



UNIVERSITÄTS-  
BIBLIOTHEK  
PADERBORN

**Cæremoniale FF. Minorum Strictioris Observantiæ Almæ  
Provinciæ Saxonæ S. Crucis**

**Sächsische Franziskanerprovinz vom Heiligen Kreuz**

**Nevhsii, 1706**

**VD18 10502327**

Titulus XIV. De Capitulo Culparum.

---

[urn:nbn:de:hbz:466:1-71672](https://nbn-resolving.org/urn:nbn:de:hbz:466:1-71672)

te Jubilario cum suis ductoribus Senioribus retinente coronam seu fertum in capite, & postea cum occasione Fratres illi de celebrato Jubilæo congratulantur.

## TITULUS XIV.

### *De Capitulo Culparum.*

1. **C**apitulum Culparum communiter servatur tertio in qualibet hebdomada, nempe feriâ 2da, 4ta & sexta, si prænominati dies ob festa occurrentia impediuntur, tunc die proximè sequenti servabitur.

2. Dato per Portarium signo, omnes sine mora ad locum Capituli conveniant, ibidemque genuflexi facie ad parietem conversa adventum Superioris in silentio expectent. Superior dum advenerit, dat signum, ad quod omnes surgunt & capite detecto sedent, & Superior incipit commendationes fidelium tam vivorum quam defunctorum duobus primis diebus hoc modo.

Venerandi PP. &c. Commendo Sacrificiis & precibus nostris salutem vivorum & requiem defunctorum, specialiter quoad vivos S. D. N. N. P. Inviictissimum Imperatorem N. & Eminentissimum Protectorem, Eminentissimum vel Serenissimum Principem nostrum, omnes Prælatos nostros ac cæteros Patres, Fratres & Sorores Ordinis nostri, Parentes, Benefactores, & eos qui specialiter preces nostras petierunt.

Quoad defunctos commendo animas summorum Pontificum, Imperatorum, Protectorum ac Principum; Patrum, Fratrum, Sororum, Parentum, Benefactorum ac omnium defunctorum: pro quibus commendatis & aliis commendandis dicamus preces consuetas.

Tunc surgens Superior, aliis etiam surgentibus intonat Psalmum: AD TE LEVAVI OCULOS MEOS. quem alternatim prosequuntur cum GLORIA PATRI, &c. deinde Psalmum DE PROFUNDIS, & in fine RE-



QUIEM ÆTERNAM : hic subjungendæ preces.

*Pro Feria 6. vel ultimo Capitulo.*

V. V. AA. Patres, &c. commendo precibus & sacrificiis nostris universum statum S. Romanæ Ecclesiæ tam Ecclesiasticum quam politicum, quoad statum Ecclesiasticum commendo in primis Sanctissimum D. nostrum N. Pontificem maximum. Eminentissimum cœtum Cardinalium, Cardinalem Ordinis Protectorem, Serenissimum Principem, Electorem & Archi-Episcopum nostrum, vel (pro locorum exigentia) Celsissimum Principem & Episcopum nostrum, omnes alios Archi-Episcopos & Episcopos cum Clero illis subjecto, omnes Ordines ab Ecclesia Dei approbatos tam possidentes quam mendicantes, præsertim eos, qui nos in suis Congregationibus vicissim habent recommendatos, Ordinem nostrum Seraphicum tam quoad Superiores, quam Subditos. Reverendissimum P. Ministrum Generalem, Reverendissimum P. Commissarium generalem tam familiæ quam Nationis. R. A. P. Ministrum Provinciale, Patres Definitores, Guardianos, Lectores, Vicarios, Concionatores, Sacerdotes, Clericos, Laicos Novitios, nosmetipsos, ut in mutua pace & charitate Domino Deo serviamus, Apostatas etiam ut ad gremium S. obedientiæ revertantur. Ordinem S. Claræ tam de prima quam 2da Regula, Sorores Annunciatas, utriusque sexus Tertiarios, omnes denique Religiosas personas sub quacunque Regula Domino Deo famulantes.

Quoad statum politicum commendo sacram Cæsaream Majestatem, Invictissimum Regem, vel Serenissimum Principem Electorem nostrum (si tali Principi sæculari subsint) omnes Reges & Principes Catholicos, ut sint inter se uniti & potentes contra hostes Ecclesiæ & Imperij. Deinde Excellentissimum Comitem vel Illustrissimum Dominum nostrum (si tali subsint) omnes Benefactores & Benefactrices, Patres & Matres spirituales, quos hic & alibi habemus, afflictos, desolatos, carceribus inclusos, omnes denique qui suas necessitates precibus nostris singulariter recommendarunt.

Quoad statum Defunctorum commendo animas summorum Pontificum, præsertim eorum, quorum favoribus & privilegiis Ordo noster munitus



munitus & auctus est, animas Protectorum Ordinis, animas Imperatorum & Principum, qui Ordini benefecerunt, animas Patrum & Confratrum nostrorum recenter defunctorum, animas parentum, consanguineorum, benefactorum & benefactricum, præsertim eorum, qui Conventum hunc ex toto vel ex parte construxerunt, aut ob speciales eleemosinas scribi meruerunt in libro recommendationis, si qui sint, nomina eorum legantur.

Nominibus lectis dicit Prælati, pro his commendatis & aliis merito commendandis: si verò nulli scripti sint, dicit Prælati: pro omnibus ergo merito commendandis dicamus preces & suffragia consueta.

3. Feria secunda & quarta dicuntur Psalmi, AD TE LEVAVI, in fine Gloria Patri & DE PROFUNDIS, in fine; REQUIEM ÆTERNAM. Postea Hebdomadarius dicit PATER NOSTER.

Ps. *Et ne nos inducas in tentationem.*

R. *Sed libera nos à malo.*

Ps. *Salvos fac seruos tuos.*

R. *Deus meus sperantes in te.*

Ps. *Oremus pro fidelibus defunctis.*

R. *Requiem æternam dona eis Domine, & lux perpetua luceat eis.*

Ps. *Requiescāt in pace.* R. *Amen.*

Ps. *Domine exaudi orationem meam.*

R. *Et clamor meus ad te veniat.*

Ps. *Dominus vobiscum,*

R. *Et cum spiritu tuo.*

O R E M U S.

**P**Ratende Domine fidelibus tuis dexteram cælestis auxilii: ut te toto corde perquirant, et quæ dignè postulant, consequi mereantur.

**F**idelium Deus omnium Conditor, et Redemptor animabus famulorum famularumque tuarum, remissionem cunctorum tribus peccatorum, ut indulgentiam quam semper optaverunt, piis



piis supplicationibus consequantur. Qui vivis et regnas etc.  
Amen.

Ÿ. Requiem aeternam dona eis Domine.

℞. Et lux perpetua luceat eis.

Ÿ. Requiescant in pace. ℞. Amen.

Feria sexta, & quando Reverendus Admodum P. Minister Provincialis servat Capitulum, ad dandum Absolutionem generalem, quocunque die hoc fiat: leguntur iidem psalmi, deinde ab Hebdomadario, PATER NOSTER,

Ÿ. Et ne nos inducas in tentationem.

℞. Sed libera nos à malo.

Ÿ. Memento Congregationis tuae.

℞. Quam possedisti ab initio.

Ÿ. Fiat pax in virtute tua,

℞. Et abundantia in turribus tuis.

Ÿ. Salvos fac servos tuos & ancillas tuas.

℞. Deus meus sperantes in te.

Ÿ. Oremus pro fidelibus defunctis.

℞. Requiem aeternam dona eis Domine, &c.

Ÿ. Requiescant in pace. ℞. Amen.

Ÿ. Domine exaudi orationem meam.

℞. Et clamor meus ad te veniat.

Ÿ. Dominus vobiscum.

℞. Et cum spiritu tuo.

### O R E M U S.

**E**cclēsia tuae quaesumus Domine preces placatus admitte, ut destructis adversitatibus et erroribus universis securatibi seruiat libertate.

Omnipotens sempiternae Deus, qui facis mirabilia magna solus: Præstende super famulos tuos Ministros nostros spiritum



ritum gratiae salutaris, et ut in veritate tibi complacent, perpetuum eis rorem tuae benedictionis infunde.

Excita quaesumus Domine in nobis spiritum, cui B. P. Franciscus Confessor tuus servavit, ut eodem nos repleti, studeamus amare quod amavit, et opere exercere quod docuit.

Da quaesumus familiae tuae sanctis omnibus de Ordine Fratrum Minorum intercedentibus superbe non sapere sed tibi placita humilitate proficere: ut proterva despiciens, quaecumque matura sunt libera exerceat charitate.

Pratende Domine fidelibus tuis dexteram caelestis auxilii, ut te toto corde perquirant, et quae digne postulant consequi mereantur.

Adesto Domine supplicationibus nostris, et viam famulorum tuorum in salutis tuae prosperitate dispone, ut inter omnes via ac vitae huius varietates tuo protegantur semper auxilio.

Omnipotens sempiternae Deus, salus aeterna credentium: exaudi nos pro famulis tuis infirmis, pro quibus misericordiae tuae imploramus auxilium, ut reddita sibi sanitate gratiarum tibi in Ecclesia tua referant actiones.

Fidelium Deus omnium conditor et redemptor, animabus famulorum famularumque tuarum remissionem cunctorum tribue peccatorum, ut indulgentiam, quam semper optaverunt, piis supplicationibus consequantur. Qui vivis et regnas cum Deo Patre in unitate Spiritus sancti Deus. Per omnia secula seculorum. R. Amen.

¶. Regiam aeternam dona eis Domine.

Hh

R. Et



R. *Et lux perpetua luceat eis.*

Ÿ. *Requiescant in pace.*

R. *Amen.*

4. Dicto *Requiescant in pace* legitur *Pater noster* totum secreto, tandem Præsides ait : *Deus det nobis suam pacem. R. Amen.* tunc omnes Professi sedent, si Novitij vel Hospites præsentes fuerint, Novitij autem veniunt ante Præsidentem ad medium Capituli ordine suo, & ibi prostrati elevatis parumper capitibus simul agnoscunt suas culpas in genere dicentes singuli : *Est mea culpa quod non servaverim Regulam & Statuta, petens poenitentiam propter Deum.* Et dicit Præsides : *Dominus Iesus ignoscat omnium nostrorum defectibus.* Deinde acceptis pro generalibus defectibus poenitentiis, nisi surgere jubeantur, statim singuli ordine suo genuflexi culpas suas intelligibiliter proclamant in specie, qui à Præsidente juxta culparum exigentiam admonentur, corripuntur, vel animantur pro sua discretionem & prudentiam, acceptaque poenitentiam Novitij osculantes terram surgunt & manent genuflexi, donec omnes expediti sint, tunc simul omnes surgunt reverentia prius cruci facta, egrediuntur è domo Capitulari ad chorum, omnia disposituri pro legendis Horis.

5. Dimissis Novitiis, & si qui sint non Conventuales, vel non de corpore Capituli, agnoscunt culpam suam, acceptaque poenitentia exeunt. Denique Professi omnes simul culpas agnoscunt modo quo supra Novitij, eodem modo respondet Præsides; Et quidem feria secunda & quarta pro culpis generalibus accepta poenitentia jubente Præsidente surgunt omnes, nisi ob speciales culpas aliqui specialiter forte monendi forent. Sed feria sexta post culpam generalem pronunciatam, erigunt se in genua, & consequenter omnes etiam (nisi surgendi licentia detur) agnoscunt culpas suas speciales, acceptaque poenitentia sedent, & tunc si Præsides habeat aliquid dicendum, illud pro ratione culparum, aut solemnitatum vel temporis, vel observantiam regulatis dicit.

6. Finitis omnibus claudit Capitulum dicendo : *Cæterum ambulemus in pace & charitate; Adjutorium nostrum in nomine Domini,*  
& re.



& responso ab omnibus : *Qui fecit cælum & terram*, egrediuntur ad chorum inchoaturi Primam hora sexta.

## TITULUS XV.

### *De Generali Absolutione.*

1. **D**ies, quibus generalis Absolutio datur sunt sequentes. Vigilia Nativitatis Domini, nisi incidat in Dominicam. FERIA tertia Majoris Hebdomadæ. Vigilia Pentecostes. (Assumptionis B. M. V.) & S. P. N. Francisci, his diebus recommendatis de more Benefactoribus & dictis precibus omnes sedent & habita brevi aliqua & devota pro congruentia temporis exhortatione Prælati suam agnoscit culpam, ut Parte 4. Tit. 19. n. 7. dictum est. Postquam omnes agnoverunt cum Superiore culpas, hic surgit & stans conversus ad Fratres in terram prostratos jubet ut dicant *Confiteor*. Prælati deinde dicit *Misereatur, &c. Indulgentiam, &c.* Deinde injungit, ut quilibet dicat *Deus propitius esto mihi peccatori*, & indutus stola congruentis coloris dat absolutionem generalem.

*Dominus noster Jesus Christus, qui est verus Pontifex, vos absolvat, et gratiam vobis copiosam infundat. Et ego auctoritate Dei ac BB. Petri et Pauli Apostolorum eius, vobis concessa mihi que commissa, absolvo vos in primis ab omni vinculo excommunicationis maioris vel minoris, suspensionis et interdicti, aut alterius cuiuscumque censuræ, et dispenso vobiscum in omni irregularitate, si quam incurristis. Eadem auctoritate absolvo vos à transgressione Mandatorum Dei, Ecclesiæ et Regule nostræ, nec non Statutorum Papalium, Synodaliū, Generalium, Provincialium, localium et aliorum quorum-*

Hb 2

cumq̄s.